

Préf. Un liame de rasin – 1865

A Madamo la Comtesso Mario Lamsdorff

Madamo,

Quàuquis-un de nòstis ami e coumpan en Felibrige èron mort aquésts an, avans d'agué liga soun fais, valènt-à-dire, publica e adouba coume se deù la rejouncho de sis obro.

Acò-d'aqui èro grand avantage, autant pèr la memòri d'aquéli fraire ama que pèr l'ounour dóu Gai-Sabé.

Mai, gramaci vosto afecioun pèr li letro prouvençalo, lou precious eiritage qu'èro en dangié de s'avali, vèn d'èstre mes en terro sauvo.

Emé li founs degu à vosto liberalita, editan au-jour-d'uei, souto lou titre couleitiéu dóu Liame de rasin, lis obro felibrenco de Castil-Blaze, Adoufé Dumas, Jan Reboul, Glaup e T. Poussel.

Sian urous, madamo, urous coume se pòu pas mai, d'escríeure voste noum sus lou frountau dóu mounumen, en remembranço e testimòni de vosto generousita pèr la lengo de Prouvènço, e de vosto pieta pèr li troubaire que soun mort.

J. Roumanille, F. Mistral

Avignoun, 15 de juliet 1865

© CIEL d'OC – 2009